

## SAN JUAN KARTA NMEHTEWE'SX

### *Gayo ew yūuna fxi'zeni's we'weni*

<sup>1</sup> Thē'j jīna kxsusu'tx txāath fxi'ja' naa karta's adx peeygāanisa Gayo's weçxana.

<sup>2</sup> Yakhthē'j peeygāanisa, adxa' iidx pa'gate Dxus yakh puutx we'wena ūsthu kīhtewa ewçxáa āça'mée fxi'zekahn, ma'wēga Dxus yakh çxhāçxha fxi'ze' txā'wēy. <sup>3</sup> Idxa' Dxus we'weni isasa's jxpubamée Dxus yakh ew fxi'zeni's yakhthē'jwe'sx pa'jçxa pta'sxte', wala weçxath. <sup>4</sup> Adxa' kīh yuhnawa txā'wē yu' weçxa'çmeeth, naasáa adx luuçxwe'sx txā'wē Dxus we'weni isasa's jxpubamée ūsta' jīna pta'sxni yuuçxáak jxthaakwe ya'weçxa'.

<sup>5</sup> Yakhthē'j peeygāanisa idxa' багаçxtewa pu'vxitumée selpiina ūsgu vxite kiweju yakhthē'jwe'sx kxtee pa'jsatx pu'çxna.

<sup>6</sup> Txāawe'sxa' ayte yakhthē'jwe'sx pkhaakhenite pta'sxtxi iidx peeygāhna pu'çxni's. Txāasa багаçxtewa meen pu'çx txāawe'sx dxi'the u'jwa'j peejini's Dxus weçxakahn. <sup>7</sup> Txāawe'sxa' kasehtx Jesukristo kaapiya'jni's pta'sxna u'juya', nawa dxi'the u'jwa'j peejini's pēyi'çmeeta' Dxusa's jīmeesa yuutxi's. <sup>8</sup> Txāa pa'ga kwe'sxa' kīh peejiçtewa pu'çxhi ji'ptha'w Dxus we'weni isasa's pta'sxsatxi'. Txā'wē yūunisa Dxus yuwe's jxukaysa ja'daçxah mjīini yaase'.

*Diótrefxes ewmée yūuna fxi'zeni*

<sup>9</sup> Adxa' teeçx karta fxi'th kxtee pkhaakhe-sawe'sxtxi, nawa Diótrefxes yu' nwēese'jme' kwe'sx we'weni's txāaçxáa jxkaahna ūs wēeçxa.

<sup>10</sup> Txāa pa'ga adxa' pa'jçxa txā'sa' pa'yaçxa we'we'nja, txā'wē yuwe susna kwe'sxtxi nuywe'wena u'jupa'ga. Txā'wēçxáa yūumée, vxite ekaju yakthē'jwe'sx pa'jsatx jxpa'gaçme', sa' vxite jxpa'ga wēesa yuutxi's ahçeçxa txāa pkhaakhenijū kutxi'ji'k.

<sup>11</sup> Yakthē'j peeygāanisa, ewmeesa na'wēy yu' fxi'zewa'jme', naasáa ewsa ma'wē fxi'zeçte', txā'wē yuuçxáa fxi'zewa'ja'. Ew yūuna fxi'zesa' Dxus yakh fxi'zesa'. Nawa ewmée yūusa', Dxus yakhmée fxi'zesaçxa txā'wē yuuna.

*Demetrio ew fxi'zeni*

<sup>12</sup> Demetrio' wala ewsa' jīnatx we'we' jxukaysa. Txā'wē ew fxi'zete', txajx ew fxi'zeni íiçxáa nwe'we'k. Aça' kwe'sxwa jiitha'w txā'wē ew fxi'zeni's. I'kwe'sxa' peekx jii i'kwe kwe'sx isa we'weni's.

*Nmehte we'wena fxi'jni*

<sup>13</sup> Adxa' wala puutx we'wewa'j ji'pthu, nawa fxi'jçxa kajaçmeeth, <sup>14</sup> dud puutx uyçxa puutx we'we'nja sūhçxa.

<sup>15</sup> Ayjxuwe'sx namiku idxa's wala yuwe weçxaa kaja'tx. Kxsū namikuwe'sxtxiwa teeçxsa na'wēçxah yuwe meen weçxa. Dxus yakh mfxi'ze.

**Dyus Yuwe U'sesa**  
**Páez: Dyus Yuwe U'sesa New Testament**

copyright © 2011 Wycliffe Bible Translators, Inc.

Language: (Páez)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

06da09f4-8d0f-5001-ae8c-0e6aa0131ffd